



Vår dato:

12.03.2019

Vår ref:

2019/345

Dykkar dato:

Dykkar ref:

Til adressatar i følgje liste

Saksbehandlar, innvalstelefon

Tom Dybwad, 5764 3123

Bogane naturreservat - melding om oppstart av verneprosess etter naturmangfaldlova etter prosedyren for frivillig skogvern

Dette brevet markerer oppstart av arbeid med vern etter naturmangfaldlova med oppretting av eit naturreservat ved Bogane i Flora kommune, etter prosedyre for frivillig skogvern.

Frist for å kome med merknad til denne oppstartmeldinga er 3. april 2019.

Bakgrunn

Sidan St.meld. 25 (2002-2003) har frivillig vern, saman med vern på statsgrunn, vore ein av hovudstrategiane for nytt vern av skog i Noreg. Frivillig vern inneber at det er grunneigarane, i samarbeid med skogeigarlaget, som tilbyr staten areal for mogleg vern. Dersom verneverdiane er så store at miljøvernstyresmakten finn det interessant, vert det så starta forhandlingar mellom staten og grunneigarane. Det vert då forhandla både om avgrensing, verneforskrift og pris, og det vert ikkje inngått avtale om vern med mindre partane vert samde.

Områdevern er likevel ikkje berre ei sak mellom grunneigarar og miljøstyresmakter. Som for tradisjonelle verneprosessar er det difor viktig med ei offentleg høyring der også andre instansar og samfunnsinteresser kan kome med merknader. Naturmangfaldlova §§ 41 og 42 krev også at alle som vernet vedkjem vert informerte når vernearbeidet tek til, slik at dei i god tid før høyringa er best mogleg informerte om korleis det planlagde verneområdet vil kunne gripe inn i deira interesser. Dette er ikkje mindre viktig ved frivillig vern, der forhandlingane med grunneigarane allereie har kome langt når den formelle delen av prosessen startar opp.

Føremålet med dette brevet er å informere om prosessen som no startar opp etter naturmangfaldlova, og å innleie til god medverknad frå aktuelle partar og få innspel til arbeidet med vernesaka.

Aktuelt verneområde

Det planlagde verneområdet (sjå vedlagt kart) ligg på nordsida av Lykkjebøvatnet som ligg nord for Fv615 i Flora kommune. Grunneigarane i området har underskrive avtale om vern som naturreservat (sjå vedlagt kart).



Det planlagde verneområdet omfattar i alt ca. 900 dekar.

Verneverdiar i området

Tilbodsområdet eit skogområde langt vest i Noreg. Området vart kartlagt i 2007, og kjerneområdet har fått verdien A Svært viktig. Her er gamal fattig edellauvskog med gammel eikeskog.

Under følgjer skildring av lokaliteten frå kartlegginga i 2007 (i alt 320,8 dekar, frå Naturbasen):

«Verdibegrunnelse:

Samlet sett får lokaliteten en klar verdi som svært viktig - A. Både størrelse, intakt preg med mye gammel og hul eik, samt funn av flere kravfulle og truede arter tilsier dette.

Innledning:

Lokaliteten skriv seg frå første gangs kartlegging av prioriterte naturtypar i Flora kommune (Isdahl 1999), vurdert på ny og vidareført i samband med supplerande kartlegging i 2007.

Beliggenhet og naturgrunnlag

Lokaliteten ligg like nord for Lykkjebøvatnet og grenser ned til dette i vestre deler for så å omfatte en bred stripe oppover lia mot øst. I vest nord og øst grenser lokaliteten til fattigere furuskogsområder. Østre del av lokaliteten ble befart. Berggrunnen i området er forholdsvis fattig, men sig fra ovenforliggende rikere bergarter bidrar til relativt rikt artsmangfold i lokaliteten. Områder som ikke får dette sigevannet er betydelig fattigere.

Naturtyper og utforminger

Vegetasjonstypen er rik/gammel edellauvskog i veksling med røsslyngfuruskog og betydelig ospeinnsdag, spesielt i vestre deler.

Artsmangfold

Artsmangfoldet i området er varierende, men av karplanter ble det registrert arter som sanikel, hengeaks, grønnburkne, skogfiol, prikkperikum, lundgrønaks, vivendel, skogsalat, kvitbladtistel, teiebær, hengeving, vårmarihand, trollhegg, tepperot, gulaks, bergskrinneblom, liljekonvall, junkerbregne, ramsløk, taggbregne. Av treslag ble det registrert rogn, gråor foruten hassel, eik og furu. Gaarder (1991a) registrerte i tillegg øker eikekjuk (VU) i to hule eiketrær, flere spettearter (gråspett, grønnspett og dvergspett), samt rurlav i området. Ut fra feltnotater fra samme prosjekt (Geir Gaarder, datert 21.04.1991) ble en del av de samme karplantene funnet som i 2007, samt også tannrot, alm og myske, og flere vanlige lavarter i lungeneversamfunnet, inkludert den sårbare arten skorpefiltlav. Lokaliteten ble for øvrig også oppsøkt i 1992 av GGa, sammen med Stellan Sunhede.

Okereikejuke ble da funnet på ytterligere enkelte trær. Dette er klart viktigste lokalitet for denne arten på Vestlandet (det er for øvrig bare gjort enkeltfunn av arten i en nærliggende lokalitet øst for Krokstadvatnet i Gloppen, samt i Rogaland).

Påvirkning

Området har jevnlig vært utsatt for plukkhogst av furu, men eika ser ut til å ha vært spart, selv om det også ble observert gamle hogde stammer av eik som var blitt liggende igjen. Dette kan komme av at disse ikke er spesielt storvokste. De fleste er hule og har hatt liten verdi som trevirke/styvingtre.

Fremmede arter

-

Råd om skjøtsel og hensyn

Området er vanskelig tilgjengelig og er i dag ikke utsatt for trusler. Ved hogst kan en begrenset plukkhogst av furu utføres i nedre deler av lokaliteten uten at vesentlige naturverdier går tapt. Andre treslag bør stå i fred. Dette gjelder også død ved som bør bli liggende.

Areal fra kartobjekt

320,8 da»



Det aller meste av kjerneområdet ligg inne i tilbodet frå eigar av gnr/bnr 58/1, i alt ca. 570 dekar. Grunneigar på 58/15 har også kome med tilbod etter to alternativ, eit lite på ca. 50 da (58/15a), og eit større alternativ på til saman ca. 400 dekar (58/15a og 58/15b). På bakgrunn av kartlegginga og vår eigen kjennskap til området meiner Fylkesmannen det er eit godt grunnlag for å opprette naturreservat på heile området som det er inngått avtale om, i alt ca. 970 dekar, dvs. både gnr/bnr 58/1 og 58/15. Grunneigar på 58/15 til ta stilling til kva alternativ han vil tilby etter at erstatningsbeløpet er klart.

Verneforskrift og grenser

Ved opprettning av eit naturreservat vert det utarbeidd særskilde verneforskrifter som fortel kva for restriksjonar som vert lagde på aktivitetar i området. Dersom det vert oppretta naturreservat i Bogane, vert det forbod mot tekniske inngrep, hogst og motorferdsel. Beite, vanleg friluftsliv, fiske og vanlegvis også jakt, vil vere lov. For Bogane vil det vere naturleg å ta utgangspunkt i standard mal for skogområde som blir verna som naturreservat og så ta inn grunneigarane sine innspele så langt det let seg gjere. Eit utkast til verneforskrift er lagt ved dette brevet. Eigedomstilhøva vert ikkje endra ved opprettning av naturreservat. Kartet som er lagt ved viser grensene slik tilbodet er per i dag, og kan fram til høyring av eit framlegg bli endra både vegar, dvs. både utviding og innskrenking.

Erstatning

Etter § 50 i naturmangfaldlova har eigar eller rettshavar i område som vert verna som naturreservat rett til erstatning for økonomisk tap når vernet gjer noverande bruk vanskeleg. Ved frivillig vern følgjer ein derimot ikkje den ordinære framgangsmåten ved fastsettjing av erstatning som er omtalt i § 51. Frivillig vern er basert på at partane har vorte samde, også om erstatninga. Difor kan erstatningssummane utbetalast så snart området er verna, utan å vente på dei fristane som er omtalte i § 51.

Namn

Namn på verneområdet vil vere ein del av verneplanprosessen med høve til å kome med innspele og framlegg. Det mest aktuelle namnet er pr. i dag etter det Fylkesmannen kjenner til, er «Bogane naturreservat». Statens namnekonsulent kan også ha tungtvegande merknader om namnet.

Konsekvensar av vernet

For å ta vare på dei sårbare og store naturkvalitetane i området er det nødvendig med ei verneform som sikrar området mot inngrep. Det er derfor ønskjeleg å verne om områda som naturreservat etter naturmangfaldlova § 37. Ei slik verneform vil i utgangspunktet forby aktivitetar og nye anlegg som kan skade verneverdiane i naturreservatet. Vernet vil føre til visse restriksjonar på bruk av området, både når det gjeld hogst og andre inngrep. Grunneigarane vil framleis ha rett til jakt og fiske og ålmenta generelt for sinking av sopp og bær. Turstiar som er i området skal også kunne haldast ved like. Dersom det er kraftlinjer som går gjennom områda, skal dei kunna driftast, vedlikehaldast og oppgraderast.

Saksgang vidare

Dette brevet, saman med annonser i lokalavisa og kunngjering på internett markerer oppstart av verneplanarbeidet.

For å følgje opp Stortinget si satsing på frivillig vern i budsjettet for i år, og for at ikkje grunneigarane skal måtte vente unødig på erstatningsutbetalingsane, er det sterkt ønskjeleg at Bogane naturreservat kan vedtakast ved kgl.res. i år. Dette føreset ein relativt stram tidsplan, der Fylkesmannen bør sende ut høyringsframlegg raskt etter fristen for å kome med merknader til denne oppstartmeldinga

Frist for å kome med førebelse innspele og merknader til melding om oppstart av arbeidet vert sett til



3. april 2019.

Alle som ønskjer det er velkomne til å kome med innspel til planane om frivillig skogvern for Bugen naturreservat.

Fylkesmannen legg opp til å arrangere synfaring i det omfanget grunneigarane og andre interesserte ønskjer. Det kan vere aktuelt både før og etter at verneframlegget vert sendt ut. Høyringsframlegget, med verneforskrift og avgrensing, vil vere det som grunneigarane og staten har vorte samde om. Framlegget vil bli sendt på høyring til alle grunneigarar, organisasjonar og organ på lokalt, regionalt og nasjonalt nivå som på ulike måtar har interesse i saka, med ein høyringsfrist på 2 månader for å kome med fråsegn.

Etter at planen har vore på høyring, vil fylkesmannen vurdere og oppsummere alle innspela og sende si tilråding truleg innan 15. august i år til sentrale styresmakter, som vil leggje planen fram til endeleg avgjerd i Regjeringa (Kgl. res.), vonleg innan slutten av 2019. Ei stram tidsramme er naudsynt sidan Miljødirektoratet og Klima- og miljødepartementet vil få eit stort tal saker frå heile landet, og som det vil ta tid å handsame i dei ulike departementa og andre sentrale instansane som skogreservata vedkjem.

Adresselister

Dette brevet er sendt ut til alle grunneigarar og rettshavarar innanfor det aktuelle området, lokale, regionale og nasjonale organ og organisasjonar som kan ha interesse av planarbeidet.

Vi ber om forståing og orsaking for om det skulle vere feil eller manglar ved adresselistene, og ber samstundes om tilbakemelding på manglar eller feil adresse o.l. til Fylkesmannen ved sakhandsamar.

Informasjon

Spørsmål om planarbeidet kan rettast til

- seniorrådgivar Tom Dybwad, tlf. 57 64 31 23, e-post fmsftd@fylkesmannen.no

Skriftlege innspel sendast til

Fylkesmannen i Vestland, Njøsavegen 2, 6863 Leikanger eller på e-post fmvlpost@fylkesmannen.no

Med helsing

Kjell Kvingedal
miljøverndirektør

Eline Orheim
sekjonsleiar

Brevet er godkjent elektronisk og har derfor ikkje underskrift.

Vedlegg:

- Kart over aktuelt verneområde Bogane, Flora kommune
- Utkast til verneforskrift for Bogane naturreservat

Adresseliste:

Ellrun Aarseth (gnr/bnr 58/1), ellrun@hotmail.com
Eli Tveiten (gnr/bnr 58/15), postboks 85, 6941 Eikefjord
Dagfinn Tveiten (gnr/bnr 58/15), dagfinn.tveiten@eninvest.net



Flora kommune, postmottak@flora.kommune.no

Flora Bondelag, leiduls@online.no

Flora Skogeigarlag v/ Kolbjørn Taklo, kolbjorn.taklo@gmail.com

Flora Jeger- og Fiskarlag v/ leiar tommy.skudal@flora.kommune.no

Flora Turlag, floraturlag@gmail.com

Sogn og Fjordane fylkeskommune, post@sfj.no

Vest Politidistrikt, post.vest@politiet.no

Høgskulen på Vestlandet v/ avd. for naturforvaltning, Sogn og Fjordane, post@hvl.no

Naturvernforbundet i Sogn og Fjordane, sognogfjordane@naturvernforbundet.no

Norges Jeger- og Fisker forbund NJFF Sogn og Fjordane, sognogfjordane@njff.no

Norges vassdrags- og energidirektorat, region vest, rv@nve.no

Sogn og Fjordane Bondelag, sogn.fjordane@bondelaget.no

Sogn og Fjordane Bonde- og Småbrukarlag, sognogfjordane@smabrukralaget.no

Sogn og Fjordane Skogeigarlag, post@sfeskog.no

Sogn og Fjordane Skogselskap, brandsoyplanteskule@gmail.com

Sogn og Fjordane Turlag, sft@dnt.no

Forum for natur og friluftsliv Sogn og Fjordane, sognogfjordane@fnf-nett.no

Sogn og Fjordane avd. NOF v/ Anders Braanaas, anders.braanaas@enivest.net

Visit Sunnfjord, post@sunnfjord.no

Statens vegvesen region vest, firmapost-vest@vegvesen.no

Forsvarsbygg, servicesenter@forsvarsbygg.no

Norges jeger- og fisker forbund, njff@njff.no

Technogarden (nødnett), firmapost@technogarden.no

NOTS, kontakt@nots.no

Stadnamntenesta på Vestlandet, post@sprakradet.no

Statnett, firmapost@statnett.no

Avinor, post@avinor.no

Direktoratet for mineralforvaltning, mail@dirmin.no

Universitetsmuseet i Bergen, post@umuib.no

Den Norske Turistforening, DNT, info@dnt.no

Det Norske Skogselskap, info@skogselskapet.no

Fortidsminneforeningen, post@fortidsminneforeningen.no

Luftfartstilsynet, postmottak@caa.no

Norges geologiske undersøkelse (NGU), ngu@ngu.no

Norges Naturvernforbund, naturvern@naturvernforbundet.no

Norges Skogeierforbund, post@skogeier.no

Norsk institutt for Naturforsking NINA, firmapost@nina.no

Norsk ornitologisk forening (NOF), nof@birdlife.no

Norsk Skogbruksforening NORSKOG, firmapost@norskog.no

Riksantikvaren, postmottak@ra.no

SABIMA, sabima@sabima.no

Universitetet i Bergen, Geologisk institutt, post@geo.uib.no

Verdens Naturfond (WWF Norge), wwf@wwf.no

Kopi pr. e-post m/vedlegg:

Miljødirektoratet

Vestskog

Klima- og Miljødepartementet



Vedlegg

Kart over aktuelt område for Bogane naturreservat





Forskrift om vern av Bogane naturreservat, Flora kommune, Sogn og Fjordane fylke

Fastsett ved kongeleg resolusjon xx.xx.2019 med heimel i lov 19. juni 2009 nr. 100 om forvaltning av naturens mangfold (naturmangfaldlova) § 34 jf. § 37 og § 62. Fremja av Klima- og miljødepartementet.

§ 1. (føremål)

Føremålet med naturreservatet er å verne eit av dei få lite påverka skogområda som er att i ytre strøk av Vest-Noreg, med sitt biologiske og geologiske mangfold. Her er rik og gamal edellauvskog med eik i veksling med røsslyngfuruskog og godt innslag av osp. Området har fleire raudlista artar, m.a. øker eikejuke som har sin viktigaste lokalitet på Vestlandet her.

Det er ei målsetjing å ta vare på verneverdiane i mest mogleg urørd tilstand, med stadeigne artar og naturtypar og naturleg skogdynamikk, og eventuelt vidareutvikle dei.

§ 2. (geografisk avgrensing)

Naturreservatet vedkjem følgjande gnr./bnr.:

Flora kommune: 58/1, 58/15

Naturreservatet dekkjer eit totalareal på ca. **900 dekar**. Grensene for naturreservatet går fram av kart datert Klima- og miljødepartementet xx.xx.2019. Dei nøyaktige grensene for naturreservatet skal merkast i marka. Knekkpunkta skal koordinatfestast.

Verneforskrifta med kart vert oppbevart i Flora kommune, hos Fylkesmannen i Vestland, i Miljødirektoratet og i Klima- og miljødepartementet.

§ 3. (verneregler)

I naturreservatet må ingen gjere noko som skadar verneverdiane som går fram av føremålet med vernet.

I naturreservatet gjeld følgjande verneregler:

- Vegetasjonen, medrekna daude buskar og tre, er verna mot skade og øydelegging. Det er forbode å fjerne planter og sopp inkludert lav eller deler av disse frå naturreservatet. Planting eller såing av tre og annan vegetasjon er forbode.
- Dyrelivet, medrekna reirplassar og hiområde, er verna mot skade, øydelegging og unødig forstyrring. Utsetting av dyr er forbode.
- Det må ikkje settast i gong tiltak som kan endre naturmiljøet, som f.eks. oppføring av bygningar, anlegg, gjerder, andre varige eller mellombelse innretningar, parkering av campingvogner, brakker e.l., opplag av båtar, framføring av luftleidningar, jordkablar, kloakkledningar, bygging av veger, drenering eller anna form for tørreleggning, uttak, oppfylling eller lagring av masse, utføring av kloakk eller anna konsentrert ureining, etterlating av avfall, gjødsling, kalking eller bruk av kjemiske plantevern- eller skadedyrmiddel. Forsøpling er forbode. Opplistinga av tiltak er ikkje uttømande.
- Bruk av naturreservatet til større arrangement er forbode.
- Bålbrann er forbode.

§ 4. (generelle unntak frå vernereglane)

Vernereglane i § 3 andre ledd er ikkje til hinder for:

- Beiting
- Sanking av bær og matsopp.
- Jakt og fangst i samsvar med gjeldande lovverk.
- Oppsetting av mellombelse, mobile jakttårn for storviltjakt.
- Rydding av skotfelt ved jaktpostar slik at feltet er fritt for vegetasjon etter retningslinjer i forvaltningsplan
- Felling av store rovdyr i samsvar med gjeldande lovverk.
- Utplassering av saltstein for husdyr og storvilt.
- Vedlikehald av eksisterande bygningar, gapahukar, jakttårn, stiar, bruar og andre anlegg og innretningar, i samsvar med tilstand på vernetidspunktet.



- i) Merking og rydding av eksisterande stiar vist på vernekartet etter retningslinjer i forvaltningsplan.
- j) Rydding av stiar for ferdsel og sanking av beitedyr etter retningslinjer i forvaltningsplan slik at dei kan haldast opne etter vindfall og liknande.

§ 5. (regulering av ferdsel)

All ferdsel skal skje varsamt og ta omsyn til vegetasjon, dyreliv og kulturminne.

I naturreservatet gjeld følgjande reglar om ferdsel:

- a) Motorferdsel på land og i vatn er forbode, medrekna landing og start med luftfartøy.
- b) Utanom eksisterande vegar og stiar vist på vernekartet, er bruk av sykkel, hest og kjerre, og riding forbode.

§ 6. (generelle unntak frå ferdelsreglane)

Ferdelsreglane i § 5 er ikkje til hinder for gjennomføring av militær operativ verksemd og tiltak i samband med ambulanse-, politi-, brannvern-, rednings- og oppsynsaugemed, og gjennomføring av skjøtsels- og forvaltningsoppgåver som er bestemt av forvaltningsstyremakta. Unntaket gjelder ikkje øvingsverksemd.

Ferdelsreglane i § 5 andre ledd er ikkje til hinder for:

- a) Naudsynt motorferdsel i samband med uttransport av sjuke og skadde bufe. Køyretøy som vert nytta skal være skånsamt mot markoverflata. Det skal gjevast melding til ansvarleg oppsyn for verneområdet i forkant av køyring.
- b) Naudsynt uttransport av felt elg, hjort og bjørn med lett beltekøyretøy som ikkje set varige spor i terrenget, og med traktor eller lett terrengkøyretøy på eksisterande traktorvegar vist på vernekartet.
- c) Landing og start med Forsvaret sine luftfartøy.

§ 7. (spesifiserte dispensasjonsreglar)

Forvaltningsstyremakta kan etter søknad gi dispensasjon til:

- a) Tiltak i samband med forvaltning av vilt og fisk.
- b) Istandsetjing av bygningar, steinmurar, bruver og andre kulturminne etter samråd med kulturminnestyremaktene
- c) Bygging av nye klopper til erstatning for gamle
- d) Oppsetting av nye fleirårige gapahukar og jakttårn dersom viltet (hjortedyr) endrar trekk.
- e) Naudsynt motorisert transport av ved, material og utstyr til hytter innanfor verneområdet.
- f) Naudsynt motorferdsel for å fjerne gran felt i samsvar med § 7j 1.
- g) Gjenoppføring av bygningar, anlegg eller innretningar som er gått tapt ved brann eller naturskade, og naudsynt motorferdsel for dette.
- h) Merking og rydding av nye stiar og oppsetting av turpostar.
- i) Tilretteleggingstiltak på eksisterande stiar.
- j) Ringbarking og felling av gran etter retningslinjer i forvaltningsplan
- k) Bruk av naturreservatet i miljøtilpassa reiselivsverksemd etter plan godkjend av forvaltningsstyremakta.
- l) Naudsynt motorferdsel i samband med aktivitetar nemnd i § 4 g og h, og § 7 a, b, c, h og i.

§ 8. (generelle dispensasjonsreglar)

Forvaltningsstyremakta kan gjere unntak frå forskrifterna dersom det ikkje stirr mot føremålet med verneverdakket og ikkje kan påverke verneverdiane nemneverdig, eller dersom omsyn til tryggleik eller omsynet til vesentlege samfunnsinteresser gjer det naudsynt, jf. naturmangfaldlova § 48.

§ 9. (skjøtsel)

Forvaltningsstyremakta, eller den forvaltningsstyremakta bestemmer, kan setje i verk tiltak for å oppretthalde eller oppnå den natur- eller kulturtilstanden som er føremålet med vernet, jf. naturmangfaldlova § 47.



§ 10. (*forvaltningsplan*)

Det kan utarbeidast forvaltningsplan med nærmere retningslinjer for forvaltning av naturreservatet. Forvaltningsplanen kan innehalde nærmere retningslinjer for gjennomføring av skjøtsel.

§ 11. (*forvaltningsstyremakt*)

Miljødirektoratet fastset kven som skal vere forvaltningsstyremakt etter denne forskrifta.

§ 12. (*ikrafttreding*)

Denne forskrifta trer i kraft straks.
